

四庫全書

史部

欽定四庫全書

名臣經濟錄卷三十四

明 黃訓 編

兵部

車駕上

為守衛事

劉大夏

車駕清吏司案呈奉本部送於兵科抄出河南道等衙門監察御史等官石玠等題前事據虎賁左衛中所副千戶李泰呈稱正德元年正月初四日輪該守衛長安

左門外第一鋪至第二鋪原設銅鈴七十八箇本日夜有本衛右所副千戶胡安軍人任顯等傳遞到鋪止收七十二箇內少六箇隨據該衛右所副千戶胡安呈稱守衛長安左門外第三鋪至第六鋪有羽林左衛中所千戶劉讓軍人劉忠等傳遞本夜巡更銅鈴止收七十箇又據羽林前衛中所千戶張進呈稱守衛長安右門外頭鋪本月初四日夜原發銅鈴七十八箇至八鋪搖脫鈴子轉回鈴二箇西安門又轉回三箇次日早長

安左門止交七十二箇等因到部臣據此除臣親詣長
安右門第一鋪取出前鈴查驗見在七十七箇鈴子俱
全內委少一箇臣等竊惟前項銅鈴每夜初更時分自
長安右門頭鋪陸續發起一軍一鈴相接傳遞以嚴夜
警最為緊要今稱少鈴一箇必是提鈴軍士彼此推託
不即遞送遂至遺失所據長安左等門上直指揮并各
鋪管軍千百戶及留守五衛輪該巡點官員職專管理
不行嚴謹俱各有罪但週圍紅鋪數多直更各有時刻

前項銅鈴未審的係何鋪何人失落必須逐一挨審方得明白合無着落留守五衛輪該巡點官員督併上直等指揮官上緊挨查務見的確將失鈴人員備由奏送法司行提問擬照例發落以為將來守衛不謹之戒便益緣係守衛事理未敢擅便等因奏奉聖旨該衙門知道欽此欽遵抄出送司案呈到部叅看得所奏失落銅鈴擬合挨查為此連送該司仰行留守中衛指揮馬智督併長安左右二門守衛官查勘自本年正月初四日

右鋪原發銅鈴若干左鋪接受若干至初五日曉緣何
內少一箇着落該夜官軍逐一沿鋪查勘前項銅鈴要
見在于何鋪沉匿失落務要查明得獲星馳回報以憑
施行毋得遲違取罪不便

題應詔陳言以釐弊政事

劉大夏

車駕等清吏司案呈各准武選清吏司手本奉本部連
送准禮部咨該禮科等科給事中等官倪議等題臣等
諫垣叨任耳目極言進諫職分之常矧近者欽承詔旨

朕方圖新政理樂聞讜言除祖宗成憲定規不可紛更其餘事關軍民利病切於治體但有可行的着各衙門大小官員悉心開具明白來說禮部知道欽此用是有以窺皇上憂勤之心恒切于宸衷作新之念昭揭于言表苟有見聞敢復緘默第以迭年災異屢發綸音彼一時各衙門所奏連章累疏非無可取經時閱歲未盡施行臣等今次所言就中亦多相類竊恐與前均成故紙然則軍民之利何時而興軍民之病何時而祛乎伏望

皇上普施離照大奮乾剛查取前項節次奏本并今開具事情凡有利于軍民者期在必興凡有病于軍民者期在必祛如此則求言以實而不徒文治道隆而無或替矣等因奉孝宗皇帝聖旨該衙門知道欽此欽遵抄出送司案呈到部看得給事中等官倪議等所題事件俱係別衙門掌行擬合通行除外合就備申開咨前去煩為查照施行移咨送司看得咨開給事中倪議等所題事件除革寅緣等事另行所據減船隻恤守衛開絕

軍三事俱隸別司掌行案呈連送到司案呈到部看得
給事中等官倪議等所言後開三事俱係安民切務理
合逐款議擬開列前件具奏定奪緣奉孝宗皇帝欽依
該衙門知道事理未敢擅便謹題請旨

一恤守衛照得各衙門守衛官軍所以拱護宸極庸備
不虞在祖宗時待之甚厚月糧之外加以直米餘軍代
其炊爨奈何近年以來勞苦百端守門內官恣意剋剥
隨補隨逃不能聊生先該給事中張弘至指揮羅永等

各建言前事節奉俞允查革旬月之間稍知警畏以後
仍蹈舊轍需索反倍于前軍士之病莫甚于此伏望皇
上軫念軍士之苦門禁之重嚴立禁革科條敢有仍前
剥害者革去職任許被害軍士赴巡城官處告理以憑
叅究區處如此則軍士得以少甦而逃亡可免矣○前
件查得守門內官剋剥軍士近該給事中張弘至指揮
羅永高壽各開款建言門官不分班次一槩科擾直軍
要行定與班次免致混擾本部逐款議得各門內臣因

是近年定與網巾銅錢以致百計需索至有菜蔬錢掃帚錢上樓等錢然始猶止于該直官員以後一槩混擾訪得午門等門每三日一直用錢一萬四千五百餘文東華等門每三日一直用錢一萬九百餘文西華等門每三日一直用錢一萬二千六百餘文玄武等門每三日一直用錢一萬二千一百餘文東華西華玄武等門又有出車使用比之前門濫取尤多致令軍士月糧直米俱不得用妻子凍餓各官欲令分班意正在此除已

往不必追究外乞勅司禮監裁減之後仍各定與班次
每門各置欽錄文簿一扇輪直明白若不該直在門混
擾軍士許點城科道官并本部委官查檢文簿據實叅
奏等因開款題奉孝宗皇帝聖旨這事件着各該衙門
查奏定奪欽此欽遵已經開具手本賫赴內府司禮監
徑行奏請定奪去後查無定奪過緣由在卷今該前因
合無本部備行點城科道等官拘審各門守衛官軍如
果已經內府司禮監查奏定奪守門官仍前分外需索

害人許各官指實叅奏拏問若是未曾定奪即行該監遵奉查奏仍每門給與定奪過班次文簿一扇庶使各官有所查考門軍知所遵守

一減船隻照得南京馬快船隻指以供應上用為名濫起數多混搭客貨沿途騷擾地方軍民受害不可勝言先該尚書馬劉各言前事議擬量減緣由未蒙俞允軍民之病莫甚于此如蒙乞勅該部議處將南京供應物件如馬槽銅器等物係北京可置造者改在北京造用

其餘難以更改者亦要斟酌物件多寡儘船裝載量為撥給仍乞申明禁例不許恃勢凌虐驛遞衙門混搭客貨借用吹手軍餘護送如此則沿途有司軍衛不致騷擾而裡河貧民得以少甦矣○前件看得南京馬快船隻之類近奉詔書內一款已令南京兵部查奏定奪以甦軍民困苦本部難再別議

一開絕軍查得正統二年事例內一款一軍政條例內開所勾軍士若有丁盡戶絕并山後等處人民挨無名

籍等項三次有司保結回申委無勾取軍衛有司各另造冊轉繳兵部開豁今照各處衛所官吏不行遵守又將曾經五次十次保結無勾軍人一槩造冊開勾今後各處衛所將先曾三五次保結并今次重行清審明白無勾者俱且住勾不許重複造冊勾擾若有故違查勘是實照依原奏准榜例查問當該官吏及照各處清軍官員不恤民隱惟欲取足三分之數以逭己責將年久無勾軍士一槩勾擾為害不可勝言如蒙乞勅兵部轉

行清軍御史查照正統二年以前至今猶回丁盡戶絕
挨無名籍及永樂二十二年以前遇革為民軍士督令
清軍官員再加研審是實取具官吏里書人等重甘結
狀造冊繳部即與開豁免清仍行各該衛所不許一槩
朦朧開勾如此庶軍伍可清而民困少紓矣○前件查
得先為修明軍政事該監察御史黎鳳奏要將各處挨
無名籍軍役照例開豁等因該本部議得此等軍政若
非軍衛惑于老軍之妄報則是有司昧于里書之作弊

若不斟酌事理一槩開除未免奸弊日滋軍伍日耗合
無本部通行各該清軍御史督同所司清軍官員自正
統元年以來一向清軍作挨無軍士除衛所籍貫姓名
來歷全然不明及遇例釋放重各改調查無憑據曾經
回報一二十次者依今所擬行各有類造通知冊一本
繳報類發各該衛所查照開除不許再行勾擾但有衛
所籍貫止是差訛不明者難稱挨無務要嚴督里老人
等照舊清理務見下落不許只憑里書執據前案作挨

無造報若查有前弊就将里書拏問如律責令補當軍役等因於弘治十六年九月十七日題准欽遵外續為陳言時務事該兵科給事中潘鐸奏要将各處丁盡戶絕及挨無名籍軍役已經回報至今三五十次者照例開豁等因該本部議得各處軍伍丁盡戶絕者固實有之里書作弊者數亦不少止因近年定三分之數有司明知屢經結正亦必差人解查圖湊前數累及無辜所以給事中潘鐸復有此論合無查照本部近日題准事

例仍通行各處清軍御史照理分豁相應理者仍舊清理等因又于弘治十八年三月二十四日題准通行欽遵去後今給事中倪議等又奏前因案呈看得挨無名籍及丁盡戶絕等項軍役槩查有無近日本部節次題准事例難又別議合再通行各處有司將前項應開軍士查勘明白作急造冊繳來以憑轉發各該衛所開除施行

題禁革宿弊以強守衛事

李承勛

車駕清吏司案呈奉本部送兵科抄出湖廣道監察御史張仲賢題臣于本年正月奉都察院劄付差點皇城內外守衛官員春季已滿彼時以聖駕未臨兼委點闌防守官軍故得再承前差至今夏季又終例該更替前項守衛巡點半年中間情弊見聞頗稔事關職業不敢無言臣竊惟皇城外禁守衛之設非止肅儀衛以壯國威寔以嚴闕防以消奸宄必其強盛方為可觀若或廢弛何以戒備故夫守衛官軍有將領內臣常川管轄

有科道部屬不時巡點先年立法至為詳密近來廢弛似為殊甚臣每一巡點一門一鋪官軍見其見在者身無完衣逃亡者每為過半詢察緣由或因網巾錢少不敢過班或以拖欠班錢借貸不到前番點視如此後番來點亦然雖其量為責治其弊仍前備求其故蓋因守門內官內使人員數多一門多者十二三員名少或七八員名雖奉詔旨減革有退去而復來者有比舊時翻添來者每軍過班三日即退銅錢百文作為網巾之名

此外又有聽事帚掃臺桶等錢枝節科索亦頗多端軍士辦納不前只得扣除直米兌賣月糧甚至借貸箠楚誅求殆無寧日前項軍士皆無恒產多係傭工手藝為生縱無家口之養歇役三日豈能辦此錢數日朘月削以至貧窮到骨繼以逃亡致使守衛日弛門禁不嚴若不早為計處將來之弊有不可言者矣切照各門內官內使玩視詔旨任意添留剝削害人不恤軍士事雖微小所關匪輕聖明在上豈宜有此伏乞皇上軫念貧軍

重惜守衛如蒙乞勅司禮監將皇城內外各門內官內
使人員遵依詔旨一體查減定以名次不許私自添留
其一應索取網巾等錢通行禁革違者有罪以蘇困窮
庶乎守衛官軍少得蘇息而門儀亦為之振肅矣等因
題奉聖旨該衙門知道欽此欽遵抄出送司查得正德
五年九月內為陳情乞恩分豁多官負乏軍士困苦等
事該濟陽衛軍人關能舉等奏稱各門門官成化等年
間止是一正一副近年以來添設數多剝削軍士乞勅

司禮監查照舊例裁革等因該本部查得皇城各門額
設門官原與本部無行合無行移內府司禮監備查明
白應否裁革徑自覆奏定奪施行等因具題奉聖旨都
不動以後朝廷自有處置欽此續為開讀事伏覩正德
十六年四月二十二日頒布詔書內一款一京通二倉
水次倉皇城各門京城九門各馬房倉場各皇莊等處
但係正德年間額外多添內臣司禮監照弘治初年例
查奏取回欽此除欽遵該司禮監查奏外查得近該兵

科都給事中汪立錫等題為申明門禁事開稱皇城四門邇年以來人心玩愒內外官員出入僕從成羣甚者內官家人潛住各官監局直房經旬不出乞要禁革等因該本部議擬具題奉欽依是皇城門禁最宜嚴謹他每說的是你部裡便查舊制通行申明禁約欽此又該吏科等衙門給事中等官閭閻等題為守衛事開稱昔者魏相給事漢朝言變異以人災為重周廬宿衛務期嚴靖近年以來法度縱弛門禁視為泛常內外人員猶

爾玩愒驕泰之習未能即改一體重為禁制等因該本部查議具題奉欽依是楊受等都着法司提了問今後內外守衛人員務要加意撫恤軍士仍不許擅離私行代替欽此續為申明禁約以嚴守衛事該本部照得皇城乃天下之根本華夏所觀瞻祖宗禁約事宜見載榜例法度森嚴恪宜遵守近年以來人多怠忽事因廢弛守衛門禁視為泛常以致間雜人等任意出入往來肆無忌憚甚至法外遺奸交通賄賂盖由各該守衛守門

內外官員人等不肯奉法仔細盤詰惟事偷閒私行代替甚者賣放占用或辦網巾菜蔬等錢以充私儲及至點聞之時四散呼喚旋來應名借彼補此兩相影射已既不正焉能正人所以人心玩愒如故驕泰未改若不重加申明禁制誠恐內外奸細竊肆覬覦杜漸防微不可不慎伏惟聖治既新舊染宜雪命下之日合無本部出給榜文於皇城四門張掛曉諭在直守衛內外官軍人等務要恪遵祖宗成法常川直守仔細盤詰朝叅官

員跟隨辦事官吏人等俱照弘治元年題准事例若有故違并守衛官軍人等仍前躲閃代替及賣放私占辦納網巾菜蔬等項積弊俱聽點城巡視糾儀科道等官着實點開巡視糾勘叅奏提問從重究治等因具題奉欽依是皇城門禁係是重事你部裡便查照舊例出榜申明禁約欽此俱經通行欽遵禁約外今該前因通查案呈到部看得監察御史張仲賢題稱皇城內外門禁每一巡點一門一鋪官軍見在者身無完衣逃亡者每

為過半或因網巾錢少不敢過班或以拖欠班錢借貸不到蓋因守門內官內使人員數多一門多者十二三員名少或七八員名雖奉詔旨裁革有退去而復來者有比舊時翻添來者每軍過班之日即追銅錢百文作為網巾之名又有聽事帚掃臺桶等錢支節科索多端軍士辦納不前只得扣除直米兌賣月糧箠楚誅求殆無寧日前項軍士以致逃亡及照各門內官內使玩視詔旨任意添留剝削害人不恤軍士乞勅司禮監將皇

城內外各門內官內使人員遵依詔旨查減定以名次
不許私自添留其一應索取網巾錢通行禁革一節照
得皇城門禁守衛官軍所以拱護宸居譏察奸宄干係
甚重先年守門內臣每一門正副內官并內使通不過
四員小門不過二員止令提督守衛關防出入此外別
無科斂等項名目近年門官添設數多規圖利潤科索
百端是以網巾菜蔬掃帚等錢為名不一而東華西華
玄武等門又有出車使用臺桶等錢以此軍士受苦不

過只得各將直米扣除月糧充賣本軍空腹供役形容
枯瘁衣服繼縷致使逃亡相繼門禁日弛所以監察御
史張仲賢目擊其弊奏要禁革深為有見若不早為更
張軍士何以免害仰惟皇上建極之初渙頒明詔剷除
宿弊即及于此守衛官軍誰不感戴但前項門官雖經
查革比前原額尚有餘員誠恐將來因循不無又復如
舊伏望皇上特勅司禮監將各門內臣再行查減務照
原額存留凡非舊制原額者盡數革去永為遵守其額

內存留者仍乞天詔丁寧戒勅今後務要撫恤守衛軍人不許剝削科害網巾等錢一切通行禁革不許在門混取如有故違及以後各門敢有夤緣額外添設者許巡視皇城科道等官指名劾奏罷黜緣係禁革夙弊以強守衛及奉欽依該衙門知道事理未敢擅便謹題請旨

題申明禁約以嚴守衛事

李承勛

車駕清吏司案呈查得永樂七年欽奉太宗皇帝聖旨皇城四門守衛官軍恁部裡便將舊制榜文曉諭他每

知道欽此已經欽遵將禁約事宜開款木刻紅榜見在
端門外左右張掛曉諭又查得成化七年為脩德弭災
事該文武大臣并科道官英國公張懋等會本部奏稱
皇城門禁至為緊要近來守衛官軍多有雇人應點隨
即散去行術并買賣諸色雜人出入內府奸宄莫辨今
後守衛官員人等務遵祖宗舊制榜例嚴加搜檢但有
無名之人及假帶牌面者就便拏送法司究治其守衛
官軍該部并科道各差官一員不時點閘但有不在及

冒名頂替者徑自叅奏拏問等因具題奉憲宗皇帝聖
旨卿等所言皆切時弊該衙門便整理行欽此成化十
二年又該英國公張懋等會題內開長安左右門初開
先放常朝及見辭等項官吏盡絕方許驗牌放進各監
局工役人等有挽越混進及夾帶財物入內買賣者守
衛官具奏治罪等因具題奉憲宗皇帝聖旨卿等所言
皆為國為民的事其餘的都准行欽此弘治元年又該
刑科給事中韓祐題要關防皇城門禁乞行各門守衛

官嚴督各軍每早整齊排列責令單行進入凡遇朝賀并朔望日俱於各朝房內具服以進朝畢仍回本房換服如遇雨雪止許一人隨帶毡衫雨帽其餘早朝並不許帶領伴當人等躋然闖入其外來朝見官吏并公差奏事及四夷人等應引見者各該衙門每日早先詣長安門外聚集照數引進其官吏監生進入除有服飾可驗餘無牌面者不許一人冒入若守衛官軍不行嚴加關防許糾儀御史叅究其伴當人等敢有如前誼譁接

應者一體究治等因該本部議得原奉欽定跟隨辦事
官吏人等大臣三人其餘一人或執該用簿書或拿更
換便服等項不但只拿雨具一事而已俱於闕左闕右
兩行廊房之下同立中間敬怠不等或又有分外多帶
以致于下水牌誼譁接應除公侯駙馬伯儀賓并文武
大臣原定許帶三人者無復他議其餘許帶一人者中
間若有賫奏賫精微闕勘合接本註銷等項者再添與
一人俱立于前項兩行廊房之下不許擁立于下水牌

所在候官朝退各供乃事其前項所帶人員各以朝官門籍為主行令置造木牌懸帶守衛官軍辨驗放入其謝恩見辭工滿囚人進春進歷送納錢糧諸色人等經該衙門給與牌面事畢放回人數多者給印信手本送守衛官照入等因具題奉聖旨是無牌面的還着錦衣衛緝拿欽此及查得正德十六年五月內為申明門禁事該兵科都給事中汪玄錫等題稱皇城四門邇年以來人心玩愒先朝門禁雖有板榜懸掛槩作虛文其內

外官員出入僕從成群至於一應閒雜之人或倚托勢要或偷竊錢糧或打點公事或文相買賣或藏匿亡命甚者內官家人潛住各官監局經旬不出內外交通政務舛錯乞要備查先朝板榜事例嚴加禁約等因該本部議得近年以來官廢道揆人無法守以致出入混淆奸偽難辨誠如都給事中汪玄錫等所言合無通行申明禁約備行內外守衛官員督令守門官軍今後務要嚴加搜檢密切關防俱遵祖宗舊制凡出入人等俱要

驗其真正牌面記名驗放敢有肆行出入者守直官軍
隨即擒拿具奏處治巡視皇城科道及本部委官亦要
不時點閘務要照依板榜事例嚴督守門官軍用心搜
檢毋得視常故縱如違指實糾舉叅究等因具題奉欽
依是皇城門禁最宜嚴謹他每說的是你部裡便查祖
宗舊制申明禁約欽此節經通行欽遵訖續為守衛事
該吏科等衙門給事中等官閭閻等題稱西上門北小
門旁有軍人張思名身故係是內地謂宜究竟端的及

稱昔者魏相給事漢朝言變異以人災為重周廬宿衛
務期嚴靖而連日衛卒或死而不知所因年來法度縱
弛門禁視常內外人員猶爾玩愒驕泰之習未能即改
惟一體重為禁制等因該本部議照皇城門禁最為嚴
謹自洪武以來立旗手等二十衛官軍輪班直守仔細
關防出入搜檢頃刻不許擅離叅照指揮等官楊受等
俱屬故違律合提究等因具題奉聖旨是楊受等都著
法司提了問今後內外守衛官員務要加意撫惜軍士

仍不許時刻擅離私行代替欽此又經欽遵備行訖前
項事例雖經節次通行欽遵去後而內外人員若罔聞
知入朝之際僕從成行擁衆爭先真偽莫辨守衛官軍
恬不加意散朝之後買賣負載雜如市途東西往來視
為便道守衛官軍或坐卧而不顧或睨視而不言雖經
禁約視為虛文蓋因循舊弊未能頓除而紙上文移未
可以悉知也合再申明舊例出榜曉諭等因案呈到部
切照皇城乃天下之根本華夏所觀瞻祖宗禁約事宜

見載榜例法度森嚴恪宜遵守近年以來人多怠忽事
因廢弛守衛門禁視為泛常以致閑雜人等任意出入
往來肆無忌憚甚至法外遺奸交通賄賂蓋由各該守
門守衛內外官員人等不肯奉法仔細盤詰惟事偷閑
私行代替甚有賣放占用或辦納網巾菜蔬等錢以充
私儲及至點閘之時四散呼喚旋來應名借彼補此兩
相影射已既不正焉能正人所以玩愒如故驕泰未改
誠有如近日給事中等官閭閻等所言者雖經都給事

中汪玄錫等題行禁約內外人員尚未知戒若不重加申明禁制誠恐內外奸細竊肆覬覦杜漸防微不可不慎伏惟聖治既新舊染宜雪命下之日合無本部出給榜文於皇城四門張掛曉諭在直守衛內外官軍人等務要恪遵祖宗成法常川直守仔細盤詰朝叅等項官員跟隨辦事官吏人等照例大臣三人其餘一人或遇陰雨及供事等項再添一人其內府供應人匠等項務候朝畢方許驗牌放進外內公差官員人等及常朝官員

從人候立處所俱照弘治元年題准事例若有故違并數外多帶及先期闕入朝門者守衛官軍即時阻退如有倚勢不服并守衛官軍人等仍前躲閑代替及賣放私占辦納網巾菜蔬等項積弊俱聽點城巡視糾儀科道等官着實點聞巡視糾劾叅奏提問從重究治其點聞科道等官仍要三五日內在東西長安門側出其不意暗行糾視遇有違犯之人即時指名叅究庶幾法制脩舉拱衛肅清而臣民知所警畏矣緣係申明禁約

以嚴守衛事理未敢擅便謹題請旨

宮禁之衛一 丘濬

臣按本朝十二衛即唐人十六衛之遺制凡諸衛之親軍皆以番直宿衛執戈戟嚴巡徼監門禁而錦衣所掌者乃鹵簿儀仗之事旗手所司者乃旗纛金鼓之物諸衛皆統軍卒而錦衣獨領校尉力士即周之虎賁旅賁也諸軍皆世卒而府軍獨簽幼軍即漢之六郡良家子也始之設親軍也僅十有二後又稍有加焉諸衛正倅

一惟其世獨錦衣之任則不以世而以能蓋天子御座則夾陛而立天子御輦則扶轅以行出警而入蹕承旨而傳宣皆在所司也矧又詔獄所寄人之死生係焉是尤不可不慎擇其人也

宮禁之衛二

丘濬

臣按本朝宿衛雖有武臣然皆爪牙之任而無有所謂腹心股肱之臣請如唐人以大臣番直如太宗之用李大亮者如此則既有虎賁銳士宿衛王宮又有勲德世

臣總司禁旅九重之上六宮之中得以安寢無虞矣

寰宇通衢書目

庚申脩寰宇通衢書成上以輿地之廣不可無書以紀之乃命翰林儒臣及廷臣以天下道里之數總類為書其方隅之目有八東距遼東都司陸行為里三千九百四十四馬驛六十四水陸兼行為里三千四十五驛四十又遼東東北至三萬衛馬驛四為里三百六十西極四川松潘衛陸行為里五千五百六十馬驛九十二水

陸兼行為里八千三百驛一百有四南距雲南金齒陸
行為里六千四百四十四馬驛一百水陸兼行為里八
千三百七十五驛一百十三南踰廣東崖州水陸兼行
為里六千六百五十五驛七十有八又東南至福建漳
州府水陸兼行為里三千五百二十五驛五十四北暨
北平大寧衛為里三千六百一十四馬驛五十三水陸
兼行四千二百四十五驛六十一又西北至陝西甘肅
為里五千五十水陸兼行為里六千七百二十驛九十

六布政司十三浙江福建江西廣東之道各二浙江水驛十三為里九百四十八福建水馬驛四十一為里二千八百四十五江西水驛十五為里一千五百二十廣東水馬驛四十五為里四千三百九十河南陝西山東山西北平湖廣廣西雲南之道各二河南水驛三十一為里二千八百四十五馬驛二十二為里一千一百七十五陝西水馬驛五十一為里四千一百馬驛四十一為里二千四百三十山東水馬驛二十九為里一千九

百一十五馬驛二十六為里一千四百八十四山西水
馬驛五十為里四千三十馬驛四十一為里二千三百
八十北平水馬驛四十七為里三千四十五馬驛三十
九為里二千三百六十四湖廣水驛十八為里一千七
百三十馬驛二十六為里一千五百三十五廣西水驛
五十三為里四千四百六十水馬驛六十四為里四千
二百六十五雲南水馬驛九十六為里七千二百馬驛
八十三為里五千二百七十五四川之道三水驛九十

四為里七千二百六十五馬驛八十二為里四千七百九十五水馬驛七十為里五千九百時天下道里縱一萬九百里橫一萬一千七百五十里此其大畧也四夷之驛不與焉

題為陳言事

于謙

近該內官監太監陳謹題稱本監差內使管領打捕戶於真定河間等處打捕野味魚戶於直沽海子口等處打魚合用口糧脚力扛擡軍士人夫該衙門照例差撥

應用等因該工部官欽奉聖旨是只着本監魚捕戶自打有時起送遞運所船隻車輛遞送前來不許勞動攪擾軍民犯的不饒欽此欽遵行移應付臣有以見皇上愛養人力而不欲勞擾軍民之盛心矣但真定河間并直沽等處遭寇賊擾攘之餘正人心未定之際而所在軍民流移公私匱乏屢蒙恩例寬恤一時未能蘇息加以天旱不雨五穀未種頭畜牲口損失殆盡而軍衛有司遞運所選集軍餘民壯備守城池地方或借倩車輛

船隻運送軍器物件差役繁重非止一端况即目當春夏長養之時正物類生育之際所宜對時育物以廣好生之仁兼且天氣日漸炎熱醞造亦非所宜萬一採取失時恐難食用伏望聖恩乞將前項事務暫且停緩待秋成以後斟酌整理如此則人物咸得其宜而恩澤益以周流公私兩得其安而事體永為便利臣叨受國恩備員輔導苟有所見不敢不言具題景泰元年三月二十日奉聖旨卿言的是罷不必去欽此

申明舊例事

余子俊

巡按陝西監察御史李敬題稱在京在外各衙門出使公差人員該支廩給行三坐五雖有舊例但未知以日期而論以衙門而論無卷可查若以日期而論每日日行則三升坐則五升不難于支但遇有事緊急者一日或行三四程者有之又未審如何支給若以衙門而論倘一日經過三四處各支三升宿處又支五升則一日却支一斗以上議論紛紜靡有定見不惟出使人員難

於遵守抑且有司驛分易於侵欺合著為定法通行在京在外衙門遵守奉行奏抄到部照得宣上德達下情防奸宄誅暴亂馭邊疆等項機宜不過旬月之間遍及天下可以立待無或後期者實於驛傳是賴著有舊典應合給驛使客本部於該賣信字號符驗則填濕字號勘合備開陸路應付驢疋水路應付站船緣由於該賣達字號符驗者則填良字號勘合備開陸路應付馬疋水路應付站船緣由於該給驢疋紅船者則填恭字號

儉字號勘合俱令會同館應付有職者多支廩給行路之時每驛經過三升公幹去處經過三升經宿五升有役者多支口糧不拘行路公幹去處一例支升五合前項廩給口糧非比俸給乃是日逐便於使客飯食以免耽遲所事之故通計一飯所費人有貴賤不同合用柴薪蔬菜鹽醬之類僅勾備辦飯後倘有所剩盡皆狼籍撒下在驛不成別用以此使客舊無一日經過兩三驛不支廩給口糧之例似此小費非是加厚使客揆之事體計

程倍道不得不然但僻靜去處或未貽慮衝要去處甚是靠損如北抵南京水道站船一隻止載一人船隻有限使客無窮循環遞送自夜達旦畧無休歇驛道使人實可矜憫中間亦有不才官吏人等不體朝廷立法初意凡遇使客到來廩給口糧不與做飯止是支與粗米不知使客又於何處做造所苦情狀此其大槩積弊至此誠可痛恨方圖舉行禁約間今該前因若不體念人情申明舊例便利官民年復一年何以杜塞弊端用增

實效啓無先儘舊例無弊次將時宜可行者總為斟酌
刊行榜文發天下司府州翻刊就用司府州印鈐給發
所屬驛遞衙門張掛曉諭禁約不屬司府州縣所屬者
一體給發本驛不致頃刻稽留使客為主廩給口糧務
須與其做飯不願做飯者方許支與細米上不虧官下
不損民永為遵守敢有違悞者官員聽巡按御史按察
司官拿問吏典以下聽合干上司提問使客有犯生事
勒捐等罪赴京者該驛備行本部回還者備行本管衙

門照例叅拿究治刊印榜文合用匠料紙張等項行令
順天府支給官錢買用

題驛遞過關米糧事

馬文升

車駕清吏司案呈奉本部送於兵科抄出巡按直隸監
察御史馬允中題內一件處置驛遞過關米糧臣查得
舊例並無過關等項名色訪得先年間為薦新進貢黃
馬快船并各處緊急公文一時輾集或無見船裝載或有船
濕漏不堪必欲守換不無稽留因此從宜每關一紙出

米三四斗貼與經過此過關之所以名也不意流弊至
今勒取數石未已傳曰作法於涼其弊猶貪作法於貪
弊將若何此之謂也若不姑近人情量為處置誠恐稽
遲公事責有所歸如蒙乞勅該部議處合無每夫一月
出米若干升收貯在官以備所急每闕文一紙上水量
與米若干斗下水量與米若干斗無闕文者升合不許
亦行各該驛遞板榜曉諭仍行各該巡河御史時常查
考收支數目務要明白不致所司侵欺違者叅究如此

庶驛遞夫役不致逼迫逃移而公事亦不致于遲悞矣
等因并將處置接遞人夫皂隸并禁革官員多起闕文
及禁革私鹽三事一同開坐具本該通政使司官奏奉聖
旨該衙門知道欽此欽遵抄出送司案呈到部看得所
奏除處置接遞人夫皂隸并禁革官員多起闕文二事
本部俱查有見行禁約事例難再覆奏及禁革私鹽原
發去處係隸都察院掌行備咨該院轉行巡鹽御史徑
自查處所據處置驛遞過闕米糧查得舊例並無過闕

名色訪得先年為因公差人員各王府進貢到于驛遞
一時無船裝載或有濕漏不堪若候守候不無稽誤要
將前路船隻打過從宜每關一紙出米三四斗貼與打
過不意流弊至今勒索數石要乞議處一節切惟驛遞
衙門所設有繁簡之分故夫役船隻有多寡之異且裡
河一帶驛站設立不過五七十里遞運所設立不過一
二百里之遠夫船有數而使客無窮但應付接遞之際
不可不斟酌緩急以通變時宜若遇緊急公務無船裝

載量為貼助米糧令其經過此最人情兩便奈何因襲
既久人心奸巧強勒米糧數多委的負累人難今御史
馬允中所奏切中時弊若不量為處置禁約則事無定
體奸弊日滋深為未便合無本部移咨都察院轉行各
該巡撫都御史并巡按巡河御史及咨工部行令管河
郎中各嚴督各該所轄府州縣掌印正官除偏僻驛遞
外中間果係衝要去處如裡河一帶兩京各省往來公
差人使客頗多船隻不勾倒換每驛站五七十里者如

遇打過站船每隻止許貼過關米二斗每遞運所一二
百里者紅船每隻止許貼過關米五斗各於輪該走遞
水夫出辦不許一槩科擾如或湊辦不前願出雜糧者
照依時值價聽其便但不許過二斗五斗米糧所值之
數府州縣每年置立印信文簿一扇發去各該驛遞收
掌如遇差多船少接應不敷將貼過米糧俱於前簿內
明白附寫某月日准某驛遞關文奉何衙門差委何人
往某處公幹無船倒換貼與米糧若干若係長行馬快

船隻此與倒換船隻者不同及無關文者俱不許升合
支貼若干勢要之徒多勒過關米糧者許各該驛遞申
呈巡撫巡按官處叅究該管官吏夫甲人等敢有指一
科十因而侵欺入己者事發罪不輕貸年終巡撫及巡
按巡河等官吊簿稽考查出奸弊徑自提問如律仍行
出給告示發仰驛遞常川張掛曉諭如此則過關米糧
自有定數公差人員不敢多勒而驛遞不致騷擾矣緣
是處置驛遞過關米糧及奉欽依該衙門知道事理未

敢擅便謹題請旨

為建言民情事

馬文升

車駕清吏司案呈准武庫清吏司手本奉本部連送該
本司案呈奉本部送准禮部咨弘治十三年月日不等
於禮科抄出吏部等衙門聽選等官人等洪旻等呈建
言民情事件該通政司官於奉天門奏合着禮部抄出
會官議奉聖旨是欽此欽遵抄出到部會同各部都察
院通政使司大理寺六科議得除有例見行及泛言難

准外數內七件合准所言宜從吏部等衙門查勘定奪
施行未敢擅便各官於奉天門奏奉聖旨是欽此欽遵
擬合通行除外合行抄單移咨貴部煩為施行等因備
咨抄單送司看得單內開聽選官洪旻等所奏差點軍
解津貼不均等四事係本司承行另行呈堂外照得包
攬驛夫加取夫價等八事係隸車駕職方清吏司掌行
案呈到部合連送該司仰將應行事件呈來定奪仍將
包攬驛夫加取夫價等事移付車駕職方二清吏司各

另一體呈來施行連送到司抄單粘連手本前去車駕清吏司煩為徑自呈堂施行等因手本送司案呈到部擬合通行為此開具

一連送該司仰付勘合卷類行福建布政司轉呈鎮守官會同巡按御史煩照會官議奉欽依內事理欽遵施行計開吏部聽選官許朝珮福建興化府莆田縣人言事一包攬驛夫加取夫價事竊惟包當夫役累有禁例而不遵該驛官吏容情而罔革臣竊見本府莆田楓亭

二驛俱是莆田仙游二縣田糧編僉防旱二等夫役防夫之設專以遞解囚犯旱夫之設只是扛送等用逐驛交接不過五六十里之程每米一石按月輪流不過三五次之差而已先年一向被附驛慣熟軍民包當就夫戶家米一石索取銅錢二三百文又有輪該廩給每次多則費銀七八兩少亦不下三四兩俱是該當夫戶出辦至成化八九年間本府知府潘琴到任體知前弊及蒙巡撫都御史張宣等便宜處置斟酌計估每米一石

定則價銀二錢案仰本府着夫戶照季本府秤收按季發驛查照夫次驗日給與工雇及廩給俱內支用尚有餘剩銀兩收官公用官民兩便比於包當民得省半後因知府潘琴等去任又被積年包攬之人通同久慣無糧老人妄呈收銀不便仍舊包當今見近年以來人尤奸詭每米一石勒取價錢四百五百文者稍有不從輒便生事妄作不着役申呈批挈責罰或有等夫戶本身自去應當者却又通同官吏那越夫次日逐差撥無時

休息使其連累懼怕盡歸承攬且防夫價錢則索取倍
於旱夫况一般田糧編僉而夫價多寡不一似此奸弊
莫革民患益深且莆田目今災旱相仍人民缺食艱窘
至甚又兼差役浩繁民不聊生若再被無籍之徒仍前
包攬加取夫錢不無愈加困苦如蒙乞勅該部轉行本
府縣查照先年都御史張瑄等定議價銀則例着令夫
戶備價赴府當官秤收按季發驛支用如有包攬之徒
仍前在驛包當加取夫價索騙民財者合無照依積年

事例問發邊遠充軍庶使包攬之徒無多取之弊而人民免受侵漁之害實為便益前件行福建鎮守官會同巡按御史查處定奪

一咨巡撫山東都御史徐除外移咨前去煩照會官議奉欽依內事理欽遵施行計開直隸順德府內邱縣部狼典史呂孚乾係山東登州府黃縣人言事一處驛站奸弊以蘇民困事切照本縣原編黃山館驛糧餉上馬地九十頃中馬八十頃下馬七十頃驢每頭四頃牛夫

每名二頃每匹頭編殷實夫頭十名十年一次輪流挨
當每畝馬價鋪陳什物等項出銀一分各夫自徵馬驢
倒死鋪陳什物損壞於內買補最為民便例該十年一
造夫有消長不一地有推收之變又該取勘造冊里書
人等乘機作弊償後那先地數飛走上司法無可禁只
得將地一頃二十畝入站五年常輪常養人情頗堪後
奉事例除去逃亡全戶充軍地畝止將見地併編隔年
一輪多被隱漏出錢五文地多錢少若以十年相較費

錢三倍之多又將馬驢鋪陳價銀徵解府庫任支以待
倒死損壞方給逋年預徵無益於民工食草料各夫自
徵不勾費用多將馬驢瘦損走逋不堪負累夫頭逃竄
者有之雖節行取委的悞事不便非獨本省為然誠恐
各處亦有此弊如蒙乞勅該部計議通行立法嚴明禁
革那移合無將逃亡全戶充軍遺地俱有佃種之人併
作一處俯順民情照前編定十年一輪後該造冊夫頭
消長就於貼戶內補編一名應役地有推收當輪過籍

幾年十分為率均出站錢如甲原地五頃內賣一頃與乙冊內添一買地姓名各照地數朋當如此地無飛走那移之弊可革民皆稱便各處站地倘有糧餉不同務處省錢得宜不許更變前件兵部行山東巡撫官查處一咨巡撫四川都御史劉除外移咨前去煩照會官議奉欽依內事理欽遵施行計開四川重慶府巴縣民盧漢言事一濫設鋪兵臣見得本縣該管五十餘鋪先年本府掌印官量其道路煩簡公文多少僉設司兵常川

在鋪專一遞送其路通三司并各府州縣衝要者每鋪設與司兵十名或八名路不衝要僉與司兵六名或五名如本府迤東止通南川一縣往回別無分歧再往他處縣小事簡三二日僅送公文一次每鋪舊設司兵四名或五名迄今年久人多稱便公文無悞近年以來本府事煩不預本縣止憑鋪長每年一次編僉官不知其作弊將南川路鋪瞞官添僉司兵十名及十二名不僉附近相應人戶却僉隔遠三四百里人戶以致畏遠不

願應當只得將錢交與近鋪慣熟奸人暗與鋪長分用
賣放少有正身自當或有告理官為擔代蒙蔽上司小
民被其羅織加以刁潑之名只得逃生遠避臣惟民乃朝廷
之赤子今却以為奸人資家之具增省在吏掌握誠恐
民怨日深如蒙乞勅該部會議轉行四川巡撫巡按并
布按二司嚴加禁革督同本府掌印官從公查勘毋容
縣官飾詞回護止憑府主量路煩簡查照景泰天順成
化初年原設原鋪司兵額數衝要鋪分各僉與司兵十

名八名其餘鋪分僉與五名南川縣鋪僉與四名俱於
近鋪里內人戶僉點應役本縣掌印官督令司兵帶同
家小常川往簿遞送公文十年一次更換鋪長依律磨
勘赤歷不許干預僉拘仍查究多僉濫設司兵的係何
人作弊受財通將弘治七年以後鋪長查提拘問明白
司兵革發寧家聽當別差鋪長亦不得仍前干預害人
前件兵部行四川巡撫官通行查處務在均平以革奸
弊

名臣經濟錄卷三十四

欽定四庫全書

名臣經濟錄卷三十五

明 黃訓 編

兵部

車駕中

朝覲官領馬對

楊士奇

永樂二十二年十二月兵部尚書李慶言于上曰今歲
北方之民畜馬頗蕃皆送至京已散軍伍操用尚餘數
千欲散民間畜則民甚弊不可重困之今遠近方面郡

縣朝覲官皆集請每員給一馬俾畜可散一千餘匹正官給牡佐貳以下給牝太僕苑馬寺歲課其息有虧罰與民同上令與蹇義夏原吉商略可否以聞二人奏如慶議命已下臣士奇聞之與慶言必不可行慶忿甚不納臣士奇遂詣宸前力陳不可曰朝廷以禮徵賢上者授方面郡守次者授百執事今皆役之畜馬以甦民是貴民而賤官者矣時蹇夏皆在侍上曰士奇論當慶固無識汝兩人亦言其便何也兩人對曰初慶與臣等言

此出陛下意必欲行之非謂出于慶也上曰幾誤朕矣
顧臣士奇曰少頃即批出罷此令明旦復奏陛下許臣
罷散馬之令豈遂中止必如欲行此令天下懷抱才德
者自此誰肯出仕蓋虧損一馬必責陪償破家廢產累
及子孫且所散不及三千而朝廷負此名於天下後世
誠非佳事上曰吾偶因事稽緩耳今日必批出又明旦
復奏內批出兩日不出兵部已督責朝覲官多領馬矣
且今所領多生駒初受羈絡南方之人怯軟不能控制

立視其奔逸有號泣衢路者矣臣恐將來遠慮者非但不願仕亦無志學問此令之失非小上曰吾即批出不爽也午刻御思善門召士奇諭曰內批豈真忘初聞汝言即遣人觀李慶呂震等意渠輩交口忿爾朕念爾孤立慮為衆所傷固不欲因汝言而罷此令今有名矣出示一章乃陝西按察使陳智言畜馬風憲受制上曰爾就據此草勅止散馬臣士奇叩首對曰古人有言陛下知臣臣不孤矣但馬已有領去者望如何處之上曰已

領者准洪武中官員乘馬例給之不責生息虧欠亦不責償未領者悉止未散之馬給邊軍操用上復顧臣曰繼今令有未便惟密與朕言此輩多不識大體但皆先朝舊臣未可遽退之

題憑駒多寡黜陟

馬昂

成化二年八月初二日兵部為區畫馬政事一馬舊例一年一駒後因虧欠數多改為二年一駒近奉詔書內開三年一駒蓋所以寬民艱而恤民難也原其所自使

管馬官得人羣養以時水草有節則生息自然蕃多國用自然充足定例固不敢輕易勸懲亦貴乎有法合無今後騾馬仍照例三年一駒管馬官員以一縣種騾馬為率三年考滿為期額內不虧者稱職額外每馬又生一駒者奏請旌異額外又生二駒者行移吏部不次陞用不及額數者百匹為率遞相降級太僕寺分管寺丞所隸地方亦以州縣為度如一府十縣半能額外生駒者亦加旌異全能生駒者不次擢用如其不及額數本

部查出轉送吏部降用本部尚書馬等題奏奉憲宗皇帝聖旨馬政多廢弛了恁每區畫的皆准行欽此

題踏勘南直隸牧馬草場

何宜

成化二十三年二月初三日兵部題為申明馬政事據南京太僕寺寺丞文林呈本部叅照寺丞文林呈稱南直隸養馬府州縣各有牧馬草場明載圖誌多被勢豪之家侵占不得實用要行踏勘處置以備馬政急用一節合無本部行移南京轉行南京太僕寺坐委分管寺

丞督同各府州縣掌印并管馬官員親詣各該所屬州縣嚴督當該官吏查照誌書圖卷所載并吊取賦役文冊到官從公逐一查勘原額草場各若干坐落某處地名頃畝若干堪以耕種并高阜低窪不堪各若干遞年群長馬戶曾無在彼牧放馬疋有無徵收子粒何年項下之用及曾否被近側豪強軍民侵占務要從實踏勘大量頃畝數目界至明白埋立封堆分別上中下等第將高阜低窪止堪牧馬地土責付養馬人戶輪流管顧

牧放中間果有肥饒地土即今空閒堪以開墾成田照
例看驗頃畝撥與有力馬戶耕種以後驗定等第照依
佃種官田事例所收花利不拘銀穀依時計估量納別
置倉庫收貯其有曾經開墾成田耕種年久徵細子粒
者一體查清徵收中間被人包占種作或侵占界至等
項各許自首還官免其問罪如遇俵解馬匹地方災傷
人戶逃移無處湊買并十分貧難出辦不前斟酌停當
量爲支給以備足數止許用助馬政緊急不許別項支

銷待後養馬數多停免耕種照舊牧放事完之日將踏
勘過頃畝等第數目造冊徑自奏繳本部左侍郎何等
具題奉憲宗皇帝聖旨是欽此

題覆興舉馬政事

馬文升

弘治二年七月二十五日兵部題為興舉馬政事該南
京太僕寺卿秦崇等奏要將各府州縣解俵馬正行令
除見解俵外以後每年於起解備用之際照依定去分
數徵解本部議得合無行移南京兵部轉行南京太僕

寺將每年解京備用馬疋自弘治三年為始鳳陽廬州
二府并滁和二州令其解本色馬七分折價銀三分淮
揚二府所屬州縣并應天府所屬江浦六合二縣以十
分為率四分解馬六分解銀俱照舊例每疋折銀十兩
其本色馬務要揀選以騎操四歲以上七歲以下折色
銀兩亦要辨驗足色各令依期委管馬官員解俵馬疋
折銀事例行之二三年備用馬疋有無勾用另行奏請
定奪具題本部尚書馬等奏奉聖旨准議欽此

題覆整飭馬政事

馬文升

弘治三年四月初四日兵部為整飭馬政思患預防事
該太僕寺卿王霽等奏稱順天府所屬寄養備用馬匹
消耗及倒失數多要照比較京營事例專差少卿一員
請勅前去比較提督掌印管馬官員馬數無虧許令舉
奏旌擢耗損馬疋住俸追補若有別項情犯五品以上
官員聽其徑自提問及今後倒失備用馬疋務要追補
不在宥免之例本部議得合無行移太僕於見任少卿

內專差一員請勅一道令其賫捧不時前去順天府所屬各州縣將寄養馬匹常加點閱比較仍督同該寺分管寺丞該府管馬通判各該州縣掌印管馬官員務要用心喂養臚壯不致瘦損倒失照依比較京營騎操馬疋事例定限三箇月以裏報官賠償若不報官賠償如管馬判官縣丞等官照管隊官如掌印知州知縣等官照把總官馬疋瘦損倒失則例施行內倒失馬疋若是年終十分不完五分以上者聽本官查筭明不必具奏

即將掌印管馬官及該府管馬通判佳俸追補五分以
上方許闕支未完數仍要責限完報驢騾牛隻一體點
視比較責成其該寺分管寺丞及該府掌印官不行申
嚴號令以致瘦損數多及縱容盜賣抵換并倒失至五
千以上買補不足及五分者指實明白照例奏請定奪
其管馬通判并州縣掌印管馬官員三年六年九年考
滿通查馬數完足方許給由各官中間果有能盡心所
事提調有方馬無耗損聽其指陳實跡徑自具奏聞量

加旌異或陞授職事仍令管理馬政若有貪污不職馬政不脩及贓私情弊倒失馬數多者亦聽本官應提問者挈送問刑衙門問罪發落應叅奏者徑自叅奏挈問其養馬人戶若有將官馬盜賣私騎馱載借撥答應及老病瞎瘤等項馬疋悉照本部原擬而行其各年拖欠之數查照見行事例陸續追補此外凡可以興舉馬政禁革奸弊甦息民困及殷實大戶權豪勢要隱隱人丁不行養馬等項奏內該載未盡者聽本官推類而行本官

務要公勤廉慎脩舉職業以副委任如或虛應故事因循廢弛責有所歸一年滿日照例更換將該追未完之數明白交割接管官員一併整理仍將比較過馬疋臚息分數及追補拖欠馬數造冊奏繳仍造清冊一本送部以備查考其稱今後倒失備用馬疋務要追補不在赦免之例係朝廷莫大恩典非臣等所敢定擬伏乞聖明裁處本部官具題奉聖旨是今後倒失馬匹追補不赦欽此

題覆振舉馬政事

馬文升

弘治三年八月十七日兵部題為振舉馬政事該太僕寺少卿彭禮奏稱永平府一州五縣先年因其種馬數多歲取備用馬一千四百五十疋雖量減其數亦有一千上下故馬既不堪而拖欠之數又獨多於他處要自弘治三年秋季為始銀馬中半起解本部議得合無行移太僕寺今後分派備用馬疋永平府再減去二百疋派與地廣里多府分州縣其永平府所屬見派馬匹自

弘治三年秋季為始銀馬相兼每馬仍折銀一十兩其本色馬務要四尺上下銀兩煎銷足色一同起解不許拖欠責有所歸本部尚書馬等奏奉聖旨准擬欽此

會議寄養馬疋

馬文升

弘治三年十二月十五日兵部為修省事該吏部等衙門太子太保尚書王等會議得一在京原無寄養馬疋自正統十四年北敵侵犯京師一時缺馬騎操該太僕寺奏准將順天府所屬人戶孳牧馬疋分散保定等府

人戶領養却于兩京太僕寺孳牧馬疋內每歲取馬二萬疋赴京分送順天府所屬人戶寄養備用以十年論之該馬二十萬疋民戶有限馬疋太多連年倒死者不止十數餘萬及至追補又告艱難徒費民財無益於用若照前數行取不無累及逃亡今後合無將備用馬每歲暫取一萬疋本色折色臨時具奏定奪如果緊急用馬照舊取用或發銀收買本部官題奉聖旨准行欽此

題踏勘北直隸牧馬草場

馬文升

弘治五年七月二十九日兵部題為修舉馬政事該御史潘楷奏本部查得保定真定廣平順德大名河間等六府所屬州縣洪武年間俱有分撥馬廠牧地牧放官馬自天順成化年間以來被權豪勢要之家無籍之徒軍民人等侵奪占種收利肥家節該巡撫保定等府地方都御史張等奏行戶兵二部差委會官同巡按御史原額馬廠地土逐一清查明白不分權豪勢要官員軍民人等但有占種者盡數丈量見數退出還官給與養

馬人戶耕種照例上納子粒遇有馬疋倒死等項將前子粒給與買補等因本部覆奏差署員外郎主事馮良輔等會同巡按御史太僕寺分管寺丞等官親詣各府將前項草場除欽賜皇親并王府達官及民間先年占種遇例起科辦納糧草等項地上聽其照舊耕種外將踏過各府草場地共七百八十六處各項數不同除給原耕之人承種定其等第肥饒者每畝出銀七分中等者出銀五分下等者出銀四分自弘治六年為始照數

徵收完足各府官庫收貯聽候買馬支用本部官題奉
聖旨准擬欽此

題覆應詔陳言馬政事

馬文升

弘治六年六月二十六日兵部題為應詔陳言馬政事
該太僕寺少卿彭禮等奏本部會同英國公張懋等議
得民間種馬定為額數再不搭配則民困終不得甦馬
疋終不蕃盛將來禍患有不可言且如以十萬種馬為
額每馬二年騾駒一疋十年之間該駒五十萬疋縱使

損失亦得三十萬疋再加十年馬必至于七十餘萬矣
威敵制勝取用無窮但各該寺丞送到查勘文冊內開
種馬之數原額新增多有不明養馬之處論糧論丁亦
有不實臣等難便定奪欲再勘明處置不無愈加遲延
合無北直隸地方并河南山東等處六科差給事中
都察院差御史并本寺屬官各一員南直隸應天等府行
移南京六科都察院并兵部各差給事中御史屬官各一員
共請勅二道前往各該地方布政司去處會同布按二

司分巡分守官直隸去處督同本府掌印官仍會同分
管寺丞督同各該州縣掌印并管馬官員從公查勘養
馬地方何處論糧何處論丁論糧者要見免糧地畝實
有若干或一百畝或五十畝養種馬一疋共該種馬若
干論丁者要見有力人丁實有若干或十丁或五丁養
種馬一疋共該種馬若干務要斟酌處置停當既不可
多以損民亦不可太少以虧官每騾馬四匹照例搭配
兒馬一疋此數一定永為定額再不搭配增添如有倒

失遇赦亦不蠲免其耕種免糧地土人户不分是否原
係養馬人數但係承種過買地土者及官員監生吏典
之家一體派與馬疋領養不許畏避勢要致令不均有
壞馬政勘定畢日即將見在種兒騾馬盡數查出逐一
揀選高大臚壯者存留作種不堪之數責令變賣銀兩
湊買好馬補數大約以種騾馬十萬兒馬二萬五千為
率北直隸山東河南該八萬七千五百江南江北直隸
府州縣該三萬七千五百先儘免糧地畝次及人丁家

道如各府州縣種馬揀選足數之外尚有多餘堪中作種者却派與別府馬少去處領養作種額外堪以騎操兒馬并免駒照數存留以作備用之數其堪以作種騾駒量留以備補用其餘不堪之數盡數變賣銀兩以備買補備用馬足本部官題奉聖旨准擬欽此

查得弘治六年內兵部題准差官勘處得河南開封彰德衛輝等三府陳州等一十七州縣山東兗州濟南東昌等三府所屬濟寧州等七十州縣各論人丁每五丁

養免馬一疋每十丁養騾馬一疋共該人丁四十三萬
八千五百二十二丁領養免馬六千七百五疋騾馬二
萬六千八百二十疋其直隸真定保定永平順德廣平
河間大名等七府所屬定州等九十二州縣各論免糧
地畝每地五十畝養免馬一疋一百畝領養騾馬一疋
共該免糧地七萬七千四百九十一畝有零領養免馬
一萬七百九十五疋騾馬四萬三千一百八十疋各照
例兩年筭駒一疋其餘人戶收候領養孳生馬駒其順

天府所屬霸州等二十七州縣亦論免糧地畝領養各處解俵備用馬正

題為思患預防事

臣奉勅踏勘牧馬草場被命以來夙夜皇皇恐孤付託於是相協同事之人遍歷牧放之地詢諸故老循其舊跡量度以計其畝封土以立其界敬畢前事以復明命矣然而經涉彼此體量事宜或有一二之可行者輒不揣蕪陋欲為陛下陳之臣伏思制敵以騎兵為急蓄馬

以牧地為先自古明君思備患者必脩馬令脩馬令者
必設苑牧苑牧之設不徒省芻秣之費而已馳逐水草
堅其足力騰駒遊牝順其物性所以蕃孳其馬者莫善
於此也自祖宗來銳意馬政京畿四環牧地彌望長蓄
茂草馬賴以滋歷年既久故趾湮沒官削民侵僅存十
一每至下場之時地不足以供牧戰馬多或顧質牧卒
半至逃亡萬一有所調用勢將何及此固不可不慮者
也邇者兵部建議欲加清理其為國家慮遠矣陛下聖

智明徹洞燭事幾遂俞所請勅臣等踏勘節該欽奉勅書有曰命爾等將永樂年間原撥各營牧馬草場取勘四至明白就為丈量係王府管業者另撥無碍地土補還退出草場牧馬其餘不分內外勢要俱要退出若係軍民私自耕種者取問如律睿旨下頒至切至再臣等愚昧無以仰副聖情然於四至頃畝粗舉其畧而其間或有裨於馬政或因巡歷而有所見者臣等何敢緘默而不言耶臣考之古圉師教圉人養馬冬廐夏房冬寒

則煥之以廐夏炎故涼之以庠其順時調變以善其生
者無所不至也今霸州等處舊設草場去民居稍遠極
目荒墟曠無室宇人馬無所隱庇露宿蒼莽之中以至
暑雨之月蚊蟲生發鼓翅搖咈噬嚙肌膚馬多瘦損士
卒不樂就牧百計逃避陛下鑒其宿弊近命科道官點
開此誠防閑之至計也然既有以防之寧可無以處之
乎又況迄今所築封堆不過數年風消雨沐漸就平夷
將復迷其處所為今之計不若緣其邊界量立鋪舍數

座使軍士分地而牧割屋而居馬亦得以就其隱庇復
於居中建立廨宇以處領勅之官使得於點閘歇牧則
設卒以守之庶幾人馬有依而邊界亦永固矣臣等前
踏地至香河縣神機營草場係已故太監覃昌姪覃綱
管業臣等丈量之時道路稱快問其所以緣覃綱管庄
之人倚恃聲勢擅作威福收斂之時征求百端佃種之
家遭其漁獵納之覃綱之家者十無二三管庄之人所
得者常居八九連室興嗟無由控訴夫覃綱已故太監

之姪耳而管庄之人倚之尚足為害又况非覃綱比者
哉且陛下捐數畝之地以厚左右勤事之人若未為過
而不知其轉展委託毒民斂怨有如此也即一處而觀
之則凡權豪勢要之人所謂庄田者其征利禍民營私
斂怨大率類此今草場之為庄田者陛下既令臣等清
理而議處之矣然規利之徒夤緣左右圖復奏討者未
必無也臣願陛下思國家之大計絕小人之營求則國
體正而人心悅矣雖然萬民之望在於一人四海之化

始于一家今霸州等處見有皇庄俱在牧馬之地陛下
為天下之主聖母享天下之養是普天率土莫非王之
庄也豈必於其間復私頃畝之地收數斛之租然後謂
之庄哉臣以為宮闈之用設有不贍取府庫之積以益
之使不失庄田歲入之數則上可以愉聖母之心下可
以紓生民之害矣又願陛下重自我抑罷庄田以益牧
地凡各處之名為庄田由此而悉屏棄之以與民則人
將欽慕而奏討之門自杜矣臣又見三河縣五軍營草

場一處多係宣德年間歸化達官任玉王鎮等住種自昔歸化之時給與庄田以裕其食用此固朝廷招徠降附之深意也然而土著既久生齒漸繁地之所入不足以贍其家之所需至有迫于饑寒而流為刼盜者甚非所以安遠人而來慕義也臣詢之於人咸言自此以至河間達官之營相望不絕貧不聊生者與營畧同臣稽之禹貢五百里綏服二百里揆文教三百里奮武衛由是言之古昔聖王于邊境之未服者尚綏而撫之又況

慕義來歸居于吾土者豈可使之失所也哉況其間習於土俗而精騎射者不少倘陛下用之得其所而處之得其宜則未必不賴其益也今天下武備懈弛窮海遐邊之卒手不能弓身不能騎者在在皆是脫有寇賊竊發將何以禦之臣願陛下留神於無事之日加恩于歸化之人其處顯位而見柄用固不必更張矣若夫達官之閒散而不任事者選其材力超衆騎射絕倫之人散之邊方分置各衛如湖廣廣東廣西四川雲南等處衛

置一二員加其品秩厚其廩餼使之專教士卒騎射則既不失安遠人之道而亦因得以精中國之技也區區螻蟻之忱冒干天聽陛下倘賜察納而施行之則生民幸甚奉聖旨該衙門看了來說欽此

題為脩飭武備以防不虞事

半齋集

先該兵部題前事蒙勅臣等將京運牧馬草場踏勘繳報外續該臣等題將各項侵占草場庄地一併退出牧馬等情又該兵部題該欽奉聖旨是設立草場牧放戰

馬係軍國重事廢弛年久今各官既清白王庄侵過地
仁壽宮并親王庄地及各官奏討侵占原草場地土俱
照數退出牧馬欽此除欽遵外臣等各准奉各該衙門
關劄帶領各營把總指揮姚慶等前去霸州等處將前
項地土會同各該管庄官員人等逐一丈量明白築立
封堆四至各豎粗石界牌退出牧馬外今丈量過退出
地土項畝數目并合行事宜開坐具本謹題

一仁壽宮皇庄一處坐落霸州文安縣范家口等里共

退出地八百二十三頃五十四畝歸併五軍三千神機
營牧馬外其坐落白鵝淀等處者不與草場相連不曾
退出仍是內官羅全等管業臣等看得霸州草場地里
寬廣水草便利牧地之善惟此為最陛下留神遠圖興
脩馬政一旦俯從羣議雖母后庄田亦宛轉上白退還
牧放臣等有以仰窺皇度計遠處大而細微之利無益
之征必不以此而改易矣臣前霸州丈量退地之時適
見工部奏委官員到彼踏勘葦箔鑛票等地觀其所稱

四至頃畝與臣等原踏草場相同意必草場廢弛之先
渾河橫流散漫四出霸州上下漸為沮洳蘆葦旋生牧
放不到當時言利之臣因其地之羨餘悉取葦箔等稅
此亦一時權宜之計耳流例相承遂不可已今堙廢之
餘又蒙查理是亦陛下綜核名實之一端也然葦箔等
用較之草場牧放孰重孰輕固不待較而自明矣况草
場設自永樂初年而葦箔等課起自近年是葦箔等地
固草場之地也又况近來渾河改徙故道淤漲不產蘆

輦又非宜征之地乞勅工部查明果有前項課額在內
悉行分豁使牧放無地征之擾庶幾可垂永久以副皇
上興復舊額之盛心也

一壽府庄田一處坐落永清縣信安鎮地方共退出六
百二十畝其地與霸州草場相連照前歸併三營牧馬
一皇庄退出侵過草場地共一百四十頃御馬監退出
侵過草場地共一百五十三頃俱坐落薊州安和鄉地
方歸併三千營牧馬臣等看得薊州草場住種人戶數

多民居星散叅錯下牧之時羣蹄踐蹂或傷禾稼必啓
爭端臣等依奉兵部題奏過事理委本州掌印正官查
對冊籍於各家庄窠周圍兌換地土明白多立封堆以
杜侵僭臣等前次踏過地土并今退出庄地計其頃畝
不下數萬長蓄茂草足成牧放但恐居民過多日侵月
削復踵前弊致損成規乞勅兵部行移本州設立板榜
開寫民地至頃畝於官廳張掛或有侵踰許令隣佑舉
首重治庶杜弊源臣等又看得內有義井寺一所瞰居

草場之中揆之四面道里適均見今議行蓋造官廳不
無重費財用不如即寺之方丈以處領勅之官員既免
造作之營且省浮冗之費其餘營房馬圈量宜成造此
亦薊州一處之權宜也

一太監陸愷奏討庄田一處坐落定興安肅二縣間臺
地方共退地八百五十一頃七十一畝歸併五軍營牧
馬

一太監覃昌奏討庄田一處坐落香河縣口頭社孟家

庄等地方共退地六百八十三頃七十七畝六分歸併
神機營牧馬凡此草場皆祖宗開創之時必思規畫畜
牧戰馬以備不虞霸州一處固為足矣且又防其雨水
之泛濫蚊蟲之噬嚙又設薊州香河閭臺三河等地審
時應候轉徙牧放其所以為馬政慮者至詳至備然歲
久弊生三十年來奏討占種苑牧幾廢仰賴陛下睿資
天啓聖智夙成遠體祖宗之心大為邊方之慮察納廷
論斷自宸衷特命臣等清查且退出各項庄田以復舊

額固足以擴前休而垂永遠矣然事易于作始而難于
保終臣等願自今以往大昭王度重申禁條敢言眩惑
卑詞奏討者許令科道奏劾嚴加懲治則私蹊可絕而
牧地永存矣弘治十年五月十一日奉聖旨該衙門知
道欽此

題早正種馬以免廢弛馬政事

閻仲宇

車駕清吏司案呈奉本部送於兵科抄出雲南道監察
御史王濟題臣本儒官誤蒙先帝開復祖宗舊例進臣

今職以言為名民間利病既有所知敢容緘默臣于正德元年正月二十一日欽蒙差往直隸山東河南印記弘治十七年分孳生馬駒承命以來夙夜憂惕惟恐不堪任使有負先帝再造之恩於在天有孤皇上委任之意于今日勉策駑鈍効報涓埃自暑而寒巡歷周徧今年正月二十八日到京復命已畢臣切見直隸河間衛輝二府孳生雖少駒尚可觀直隸永平一府并山東兗州東昌濟南三府河南開封彰德三府孳生既少駒又

次之至於大名廣平順德真定保定等府孳生不惟數
少駒皆瘦病矮小甚有如豺如狼如狗者所以只得照
例變賣通計各府印記不及二分堪望將來起俵亦皆
百無二三念祖宗立法種馬養在民間正欲孳生起俵
以備邊用今雖有種馬之額而無種馬之實徒有孳生
之名而無孳生之用臣愚所以甚為之痛心也既問之
於有司又訪之於鄉老又察之於百姓多方考究不約
而同皆曰即今百姓賦重差煩財窮力竭救死度日惟

恐不贍畿甸之民困苦尤甚且如養種騾馬一疋孳生一駒是為二疋兩年印記兌領補種搭配起俵不出養在名下四年二駒是為三疋甚至積有四疋五疋者餽養既多費用草料不貲雖有養馬地畝所得幾何加以官府點視刑責科罰百端害之所在人所必避至親骨肉莫如父子有怕嫁聘粧奩費用養女忍為溺死况孳生官馬有害無利百姓肯為之養乎不惟直隸山東河南為然至于南直隸鳳陽等府臣亦久知其然也所以

百姓惟恐一有孳生百害叢至故將騾馬饑餓作踐瘦
病倒死即令各處額數虧損太多其見在者間有定駒
則又謀買羣醫人等為之隱諱有顯駒則飲以凉水酸
泔為之衝落求為虧欠虧欠照例不過納銀二兩虧欠
不得孳生既出雖報在官饑餓作踐求為倒死倒死不
過照例納銀三兩倒死不得種騾馬既瘦雖有孳生終
皆矮小又有管馬官畏怕分數不及紙上栽桑逼要陪
買一番名曰撓頭駒送官搪塞求為變賣變賣不過照

例納銀二兩或三兩之間有印記或堪補種亦難起俵太僕寺歲取備用大馬未足科民重買備用百姓甘心受累因虧欠倒死變賣之例行故將種馬作廢若不早為從長區處因時制宜圖為官民兩便之計臣愚決以為馬政不惟孳生瘦小徒費喂養終無實用下累百姓上無補於朝廷不十餘年必將併種騾馬亦廢盡而後已先時議者有欲併去種馬止照地畝人丁出銀買馬此固可革時弊但祖宗養馬之法不可廢壞為今之計

種馬地畝人丁歲取已有定額但要種兒騾馬揀選四尺五歲以上十歲以下高大者存留矮小老弱者賣價區處買補贖完原數照額養在民間府州縣官一年四次太僕寺官一年二次止是點視務要臚壯病瘦者依律問罪倒失者就令陪補永為定例設有緊急亦可調用連年有無孳生不必追究太僕寺歲取備用大馬止照種馬定額派行各府州縣買解假如十萬種馬歲取備用一萬只得十疋買一疋以地論之則出于五頃十

頃以丁論之則出于二十五丁五十丁衆輕易舉就取
三萬或銀馬中半百姓亦皆情愿百姓止養種馬既不
為孳生受害設有生好駒起俵變賣悉聽自便利之所
在又人所必興豈有不用心看養種馬依時羣蓋而取
孳生自然之利乎夫官馬民馬同一陰陽生生之道各
處遞年起俵大馬俱係民間所產類非天設地造議者
以為地產有宜否則古人冀北多良馬之說何每見諸
載籍豐于民而嗇于官者蓋由利害之分遂至懸絕喂

養科罰之害在民孳生之利在官雖日撻而求其好孳
生決不可得種馬之額在官孳生之利聽民雖日撻而
求無好孳生亦不可得此皆情也亦勢之所必致也臣
廣詢博訪虧民損官其弊如此如蒙皇上俯察臣言勅
行兵部從長議處施行則三五年間孳生既屬下不求
其蕃息而自蕃息種馬雖屬官不求其壯盛而亦壯盛
免官府查筭印記之煩絕管馬官吏書筭人等科罰侵
渙之弊公私皆得其便祖宗立法養馬之意可保經久

不廢矣具本該本官奏奉聖旨該衙門看了來說欽此
欽遵抄出送司為照前奏干係馬政已經呈堂行勘去
後續據太僕寺呈稱查得先年立法種馬養在民間正
欲孳生起俵以備調用後因年久馬種消耗雖令買補
馬既不及數亦不全以致孳生之駒大率不堪起俵京
營及邊一有警急務要大馬充軍出征原生之駒既多
不堪各該有司只得因民之便或於地畝或於人丁或
徵虧欠倒失之價照數派銀湊買解俵惟圖趨辦免罪

何暇更論其他因仍既久遂為故常所謂雖有種馬之額而無種馬之實徒有孳生之名而無孳生之用誠有如御史王濟所言者今本官奏要種免騾馬揀選高大者存留不堪者賣價買補湊完原數照額令民牧養各該官員勤加點視務令臚肥瘦病者問罪倒失者陪補永為定例且可調用此係探本之論合無依其所言又奏稱太僕寺歲取備用大馬止照種馬定額派行各府州縣論丁論地買解百姓亦皆情愿照得即今民間歲

貢備用馬匹或以丁或以地或輪流或朋合大率與王濟所言相同但稱遞年有孳生不必追究以宜通融再處等因回報到部送司查得洪武等年欽定馬政榜例內一款開稱補領或孳生三歲騾駒照例或二年納駒一疋永為定例欽此又一款每年備用馬二萬疋南京太僕寺所屬取三分太僕寺取七分俱限八月以裏差管馬官員解部等因欽此又查弘治六年間該太僕寺卿彭禮奏為應詔陳言馬政事本部會議題准差給事

中等官將各處見在種兒騾馬盡數查出逐一揀選高
大者臆壯者存留作種不堪之數責令變賣銀兩湊買
好馬補數大約以種騾馬十萬兒馬二萬五千為率每
騾馬二年着實科駒一足以十為率孳生駒不及八分
者就將管馬官員提問及將倒失虧欠例不該免種兒
騾馬并駒免追本色每大馬一疋追銀五兩每駒一疋
倒失追銀三兩虧欠者追銀二兩還官以後每年差去
印馬御史將孳生之駒逐一驗看堪中者印烙不堪者

變賣等因俱經欽遵通行外今該前因案呈到部看得
馬政之設係我朝軍國重務屢經言者論列若不再為
通融議處實難保其經久無弊今照御史王濟所奏叅
諸孳牧舊例雖有不同揆之官民事體似稱便利相應
斟酌處置合無本部通行兩京太僕寺轉行各該分管
寺丞即便親詣該管地方拘吊原養種馬人戶簿冊并
馬疋到官逐一用心點視要見某人先於何年月日領
養何等毛齒兒騾種馬即今有無見在倒失現在之數

如果高大臙壯十歲以下堪以作種仍令領養內有老
瘦矮小漂沙不堪者即令揀出其倒失之數查係十七
八歲以上免其陪償官為買補不及歲數無有別項情
由者立限責令收買身高四尺五歲以上七歲以下堪
中馬足還官其上年印過馬駒及今揀退種馬俱令牙
行當官估計變賣銀兩并追完各項馬價就令寺丞督
同州縣掌印官員照前收買好馬補足原額給與原戶
領養若有餘剩銀兩解府總類差官解部轉發太僕寺

貯庫以備買馬支用種馬原額各令搭配成羣府州縣官一年四次太僕寺官一年二次務要嚴加點視瘦病者痛為懲治倒失者立限賠償每馬百疋病瘦倒失者十足以上管馬官員查提究問其孳生之駒雖種騾馬十萬每年科駒五萬奈何近年各處養馬之家盡為虧欠倒失之戶何曾生有好駒堪以備用有名無實徒為勞攘合無亦依本官所擬不必較其有無有亦不必印烙每年備用馬疋止令一羣之內各照丁田議合明納本

色或折色大馬一疋仍各將羣數隨其多寡分為兩班
編成格眼互相輪流今年解本色明年解折色本色者
務要身高四尺兒馬五歲扇馬八歲以下者方許作數
折色者徵銀一十三兩煎消足色成錠俱令該管寺丞
驗追徵完各差管馬官吏依限起解若羣內一户生有
好駒堪以備用聽從本羣人戶幫價起俵其一羣人戶
解馬解銀亦都編定輪流週而復始如此行之則南北
地方十萬種騾馬之中一年實得二萬五千堪用之馬

其本色折色分數本部仍臨期酌量太僕寺銀馬多寡
數目奏請定奪以後設遇緊急用馬量為增添不拘此
例前項倒失虧欠變賣之例悉行除免每年季報比較
印烙之煩盡皆減省惟年終各府備將種馬并解過備
用馬數目具奏及送部查考仍每三年一次奏差御史
二員請勅關領火印分投前去各該地方公同寺丞將
見在并買補免騾種馬通行查點印烙及有無拖欠備
用馬足亦行查追起解中間作弊人員拿問叅奏徑自

施行事完之日備造文冊奏繳本部仍通行南北直隸
河南山東巡撫都御史一體遵依施行如此則事省于
民利歸于官既不失孳牧之本意誠可為經久之良圖
緣係早正馬種以免廢弛馬政及奉欽依該衙門看了
來說事理未敢擅便正德二年閏正月二十四日本部
尚書閻等具題奉聖旨是欽此欽遵擬合通行為此除
外合劄本寺照依本部題奉欽依內事理欽遵施行
勘定種免騾馬定數

一南北兩京太僕寺所屬府州縣衛額種兒騾馬一十二萬五千疋

兒馬二萬五千疋騾馬一十萬疋

太僕寺所屬府州縣種兒騾馬八萬七千五百疋

兒馬一萬七千五百疋騾馬七萬疋

南京太僕寺所屬府衛州縣種兒騾馬三萬七千五百疋

兒馬七千五百疋騾馬三萬疋

北直隸

河間府二州十三縣種兒騾馬五千三百六十疋

兒馬一千七十二疋騾馬四千二百八十八疋

大明府一州九縣種兒騾馬一萬八百八十疋

兒馬二千一百七十六疋騾馬八千七百四疋

保定府二州十一縣種兒騾馬七千九百四十五疋

兒馬一千五百八十九疋騾馬六千三百五十六

疋

順德府九縣種兒騾馬三千七百一十五疋

兒馬七百四十三疋騾馬二千九百七十二疋

廣平府九縣種兒騾馬三千七百七十七疋

兒馬七百五十四疋騾馬三千一十六疋

真定府五州二十六縣種兒騾馬一萬七千六百三

十五疋

兒馬三千五百三十七疋騾馬一萬四千一百八

疋

永平府一州五縣種免騾馬四千六百七十疋

兒馬九百三十四疋騾馬三千七百三十六疋

山東

濟南府四州二十三縣種免騾馬一萬三千三百四

十疋

兒馬二千六百六十八疋騾馬一萬六百七十二

疋

兗州府四州二十縣種兒騾馬一萬四千六十疋

兒馬二千八百一十二疋騾馬一萬一千二百四十八疋

東昌府三州十五縣種兒騾馬三千三百八十疋
兒馬六百七十六疋騾馬二千七百四疋

河南

開封府一州六縣種兒騾馬一千三百一十五疋
兒馬二百六十三疋騾馬一千一百五十二疋
彰德府一州三縣種兒騾馬一千一十五疋

兒馬二百三疋騾馬八百一十二疋

衛輝府六縣種兒騾馬四百一十五疋

兒馬八十三疋騾馬三百三十二疋

南直隸

鳳陽府四州十四縣種兒騾馬九千五百一十一疋

兒馬一千九百二疋騾馬七千六百九疋

揚州府三州六縣種兒騾馬五千五百九十三疋

兒馬一千一百一十九疋騾馬四千四百七十四

疋

淮安府二州九縣種兒騾馬六千三百一十疋

兒馬一千二百六十二疋騾馬五千四十八疋

廬州府二州五縣種兒騾馬四千三百七十四疋

兒馬八百七十五疋騾馬三千四百九十九疋

應天府七縣種兒騾馬四千六百四十疋

兒馬九百二十八疋騾馬三千七百一十二疋

鎮江府三縣種兒騾馬二千三百四十疋

兒馬四百六十八疋騾馬一千八百七十二疋

寧國府南陵縣種兒騾馬七百五十疋

兒馬一百五十疋騾馬六百疋

太平府三縣種兒騾馬一千四百六十五疋

兒馬二百九十三疋騾馬一千一百七十二疋

廣德州建平縣種兒騾馬八百疋

兒馬一百六十疋騾馬六百四十疋

滁州二縣種兒騾馬七百八十五疋

兒馬一百五十七疋騾馬六百二十八疋

和州一縣種兒騾馬六百三十七疋

兒馬一百二十七疋騾馬五百一十疋

滁州衛種兒騾馬二百九十五疋

兒馬五十疋騾馬二百四十五疋

題馬政四事

儲巘

近者災變非常聖心恐懼詔令羣臣痛加脩省各開具
興革事宜臣等皆以庸材備員太僕馬政未舉民瘼未

除召變致災實均有罪陛下不即加責為幸已多且使人各盡言又豈容默謹以馬政四事開坐上陳伏乞聖覽仍勅該部議處施行不勝幸甚

一議養京營戰馬切見團營軍馬內衛京師外備征調軍精馬壯二者相資乃可以壯威而禦侮也近年以來營中之馬日見消耗告稱倒死無日無之多者十數足少者四五匹以有限之馬供無窮之死誠可嘆息原其所以蓋因軍士貪圖草料私賣以養馬為累倚恃朋銀

買補以馬死為韋把總之官又多徇私派領不恤貧軍
奸頑之徒又多延挨比較以覲恩宥若不議處弊壞愈
深臣等風聞團營官軍大約不下十萬團營之馬大約
不下三萬以十萬之軍豈無三萬之家衣食稍餘產業
稍足者哉但恐揀閱不精派養不當耳如蒙乞勅提督
大臣各營選委忠實軍職一員將所轄官軍從一詢驗
家產財力分為三等上等悉令養馬不足以中等補之
其馬十四歲以下倒死責令全陪十四歲以上者止陪

半價二十歲以上者免陪革去椿頭朋銀之例絕其衆
輕易舉之私編成格眼文冊兵部用印鈐縫一本收貯
營中以備科道等官點驗一本送太僕寺以憑本寺少
卿點驗如有倒補轉換事故各該官員就註冊眼為照
官軍養馬既按月關支草料又以時下場牧放若處置
有法騎養得人遞年作踐瘦損之弊亦可以漸保其無
矣議者必曰騎軍步卒練習已久若通行選閱未免更
張臣等不知兵事然考古兵法騎亦可以為步步亦可

以為騎非如天生兩不可易者若平時騎步不能相通
臨敵決戰何以出奇制變乎今團營提督皆奉命內外
大臣臣等豈敢與議但司馬政不忍不言查得本寺給
與馬足除先年不開外弘治十六年給馬三千足十七
年一萬一千足十八年又一萬足內五千足未領每足
直銀二十餘兩皆竭民膏血所得一旦付之軍士骨立
槁死暴殄可憐積以歲月八九足中僅一二矮小老弱
比之原馬真駑駘之易騏驎矣國家何所賴哉此臣等

所以痛心而一言也

一議減馬政文冊照得本寺所轄養馬地方南北直隸河南等處各該府縣內外衛所及宣府等處各該城堡各年各項文冊解造甚多臣等檢看有舊有而今可省者亦有新增而不可少者有季報馬冊一年四季開報舊管新收開除實在數目者是也有孳生馬冊每年開報孳生馬駒并馬戶姓名本寺具數報冊交與御史出差印記者是也有備用馬派取寄養馬未到先繳一本

已到隨繳一本以憑查對者是也又有點馬簿冊少卿
寺丞等官按臨所在臨期投遞以憑點閱者是也以寄
養馬冊計之本寺一本督理少卿一本分管寺丞一本
該府通判一本是亦一事而四本矣各項文冊計其工
食解送之費加之官吏人等因而科擾所費不貲皆出
於民況其所造不過抄騰舊冊畧有增損各該官員視
為文具亦不檢閱勞民傷財於事無益臣等豈敢坐視
不為之處看得孳生馬冊各該衙門每年止須二本一

留本處備照一候御史寺丞會印之時投遞每年三月以裏止具總數申文到寺以憑轉報他本可以盡免矣備用馬冊亦止須二本一留備照一候解馬到寺之日就同依准投遞凡先繳文冊皆可免矣點馬簿冊本寺於寄養馬疋行令各該衙門一體照式編造可以常用少卿一年滿日交與接管少卿寺丞三年滿日交與接管寺丞其餘點冊點單手本之類可以盡免去惟季報文冊乃欽定條例所載臣等昧死言之若將一年四季分併

半年一造一年止造二次每造止許二本一留本處以備遺亡一解本寺以備查照則相似於舊制無違兼之民財亦省臣等不敢擅議伏乞聖裁各項文冊乞勅兵部通行各該衙門并南京太僕寺永遠遵守造冊差人止許掌印正官動支無碍官錢不許管馬官吏仍歛民財督理分管官員非奉欽依不許別生事端擅令造冊州縣屬府者本府類解衛所屬都司者都司類解如無都司者方許徑解違者各坐以罪庶為便益臣等聞古

人有言生一事不如省一事寬一分則民受一分之賜訪得各該衙門籍冊亦多徒費無益若推類行之亦為民造福之一端也乞勅該部議處幸甚

一議處管馬官員照得順天等府所屬州縣寄養兒駒馬足田有定額戶有定丁比之別處牧養孳生馬足事體繁簡大有不同今該府馬政官員既有本寺少卿提督又有寺丞分理又有各府通判專管事少而官多令煩而民擾至于文移簿冊之費迎送廩給之需積少成

多皆為民累查得少卿係奉勅督理官員難以更改合
無將分管寺丞盡行減省管順天府者改委管別府管
保定河間二府者止令管理孳生馬疋至於寄養馬疋
專委少卿各府通判等官悉聽約束如此則職專而可
責成民安而無多擾矣再照宛平大興二縣先年該差
給事中等官王延等奉勅查勘宛平縣舊原額免糧養
馬地一千一百七十九頃四十八畝有零編養馬一千
二百九十疋大興縣地五百八十六頃五十三畝有零

編養馬五百二十六疋大率計之為田人九十畝養馬一疋比之別縣止五十畝養馬一疋者例已不同編戶造冊詳於舊冊民安事久已為定規續該順天府建言要將宛大二縣馬疋分派別縣寄養管馬官員起送吏部別用該兵部覆奏行移本寺臣等看得民間種地莫非王土養馬者免糧出稅者免馬此不易之道也今兩縣地土幾及二千頃既不養馬又不納糧却將馬疋加派別縣揆之事理可謂不均况兩縣密邇輦轂全無馬

足緩急征調何以應用該府所言可謂知其一未知其
二也合無仍將管馬官吏存留辦事免糧人戶照舊領
養庶幾先事有備民無不均若謂京邑之民差使繁重
宜加優恤許令原養馬二足人戶共養一足則恩澤之
施又加於他縣一倍矣如兩縣管馬官員得留本府管
馬通判可以革去議者必曰他府不革獨革順天可乎
盖他府管孳生之馬事多不可革順天府止寄養之馬
事簡可革也

一議清場畝租銀照得各該養馬地方俱有牧馬草場
事體歸一專令牧養馬足近年法制更改祇是徵納租
銀除真定等府每年陸續解銀到寺近又該兵部差官
清查外惟順天府所屬二十七州縣永平府所屬六州
縣保定府易州涞水定興新城新安容城雄縣七縣河
間府青城任邱靜海三縣每草場有一段百十畝者有
數段幾百頃者每年租銀有三四十兩者有五七十兩
者自弘治六年起例以來各府徵收並無分文解送到

寺既廢牧馬之舊規又失徵租之常例若不查理其弊愈深及照先該都御史洪奏將順天等府免糧養馬空閒地土每年照畝徵銀祇行二年續該本寺奏准免徵除例前已行給民買馬外未給之數亦未清查臣等竊思前項銀兩俱緣馬政而設比與別項課稅不同既已徵收在官又非小民拖欠可比如蒙乞差本寺少卿一員遍歷所屬督令各該掌印并管馬官員逐一清查要見某處原設有牧養馬草場田土若干自弘治六年起

每年各收租銀若干現在何衙門交收其別項支費者奉何衙門明文可據及查免糧空閒地畝某處某年庫若干在官悉令起解該徵者立限催完其各年徵收在官銀兩或為官吏侵欺或推稱別項支費查無明文憑據悉聽差去官員應拿問者拿問應叅奏者叅奏追徵清理完日通將各處草場頃步坐落里至佃種人戶花名每年并該徵銀兩等則之數造冊二本一送本部備照一留本寺查考如此則不惟革官吏侵欺之弊且可

助邊方買馬之資其於馬政亦為小補

題馬政利病

儲懌

近奉勅諭痛加脩省已將本衙門事當興革者開具上
陳數日以來竊思邊方馬政關係尤重稽之案牘粗得
其沿革利病之槩再行開具伏候聖裁照得本寺歲收
各處馬價銀兩起自成化二年為因南方一二縣地不
產馬暫收折色自後比例者衆日漸加增當時所積不
多各邊不曾有損以後間有奏討量與亦不盡從緣各

邊自有買馬之需如宣府餘剩糧陝西屯田等項銀兩是也利源一開潰不可塞查得宣府成化二十一年止奏討銀一萬兩自弘治十四等年至今則一十三萬兩矣大同成化二十年并二十二年止奏討銀二萬八千三十兩自弘治十等年至今則一十六萬五千兩矣延綏成化年間止共討銀三萬九千兩自弘治九年至十八年則一十萬二千一百九十五兩矣寧夏弘治十八年以前節次止討銀二萬一千一百三十兩弘治十四

年至今纔及六年則已七十萬兩矣陝西布政司等處止是成化二十二年取銀三千八百八十兩自弘治元年至今則節次共討過一十五萬九千兩有餘矣他如甘肅遼東山西等處各次奏討過一十一萬五千三百七十二兩皆數倍于前可謂費出無經糜耗不貲矣及照得本寺寄養順天等府馬疋起自正統十四年為因邊鄙用兵馬疋不敷歲取南北直隸等處馬二萬疋俵養近圻以備征調然本意備京營之用不專為各邊之

資緣各邊各有行太僕寺苑馬寺所畜馬足足備征調
故也其後馬政廢弛人心狎頑一遇邊警輒言馬少張
皇聲勢奏請紛然橫議一興牢不可破查得宣府自成
化十一年至弘治十二年止取馬一萬九千一百三十
疋弘治十四年至正德元年七年之間却取過馬二萬
一千四百五十四疋大同自成化十一年至弘治七年
止取馬一千九百六十五疋弘治十二年至正德元年
八年之間却取過馬一萬一千八百三十一疋除給銀

買補者不計已數倍於前矣邊方官軍因見京師銀馬
易以邀求遂將騎操馬足不甚愛惜及至倒死不行陪
償鎮巡大臣多濶畧文法豈能一一覈實把總等官惟
乾沒貨利豈能一一盡公甚至貪黷之徒如近年都督
莊鑑侵欺買馬價銀追賍罷官亦其一也其中弊病難
以悉言若不計處國家之財物有限邊方之請求無厭
歲復一歲何以支持臣等叨司馬政材識淺短素無經
畫然且事勢牽制又難舉行輒以愚見條陳稍違不職

查得先年邊方討馬兵部奏勘缺少是實方行量給其
後不知緣何不料邊情之緩急不計內馬之盈虛隨其
奏討之數輒給與之而又不復稽考任其耗費合無該
部仍照先年良法今後奏討者嚴加覈實量為給與庶
幾邊方不敢妄求朝廷不致徒費彼知馬不易得亦肯
調養用心又查得本寺未收折色以前邊方止給馬足
今給銀十萬作馬萬足價少馬多似利於官殊不知馬
價銀兩不入軍中就為有司剋減又為軍士花費及至

買馬所餘幾何價既不多馬何從好隨買隨死終費官
價隨死隨討終累朝廷原其本心非全為馬合無今後
邊方缺馬之時仍給本色以杜前弊若謂寄養之馬不
敷聽臣等多方措置又查得各邊俱有餘糧屯田草場
椿頭等項銀兩以備買馬之費先年不曾給與本寺銀
兩邊無不足今歲給益多邊益不足何歟必須查考方
得其詳合無兵部奏差風力郎中一員與同本寺督理
少卿前去各邊查勘前項銀兩歲入若干收貯若干各

該城堡騎兵若干有馬者若干該補者若干近年本寺發去價銀買馬若干餘銀若干給過馬疋某城若干某堡若干如有奸弊聽其叅究事完之日具數造冊收貯兵部預知其盈虧多寡之數臨期請給易以酌量若一時動衆興兵暫添銀兩不在此數又查得各邊討馬開稱馬死或生災病或因馳逐理或有之然不應如是之多其間豈無瘦損作踐偷賣私借之弊並無一字聲說况生病亦由于水草之不時馳死亦由於作止之無節


要將得人專心牧養豈可盡諉之馬哉合無兵部行移
巡鎮等官各以暴殄天物為戒愛惜國馬為心選委管
馬官員督責養馬軍士務要飲秣以時蔭息有地疾病
者委之官醫作踐者治以軍法及照本寺奉勅督理少
卿止是每年到邊點閱一次合無今後點閱二次倒死
者皮張綜尾俱有方准朋陪買補者齒歲身材相應方
准印絡但巡點之處不及大同緣大同銀馬一從本寺
給與既有相關亦合查點合無勅令兼管庶幾人皆警

畏事可責成又查得督理京營少卿奉有勅諭內開比較百戶指揮都指揮等官損瘦倒失馬疋或按月住俸或奏聞區處天語丁寧俱有則例然遐邇一體內外一法合無勅督理少卿宣府大同各城堡等處悉照京營則例遵守施行使邊方將士惕然悚懼俱知朝廷脩建馬政法令嚴明庶幾變其舊習以圖後效又查得陝西各邊因是地方曠遠道途艱難不來取馬止是弘治十七年十八年定州給與延綏馬共三千五百疋其遞年

奏討本寺馬價買補馬足不下數十萬兩及彼處餘糧屯田官地椿頭各項銀兩亦合查究前項京營住俸比較事例亦合通行但原無本寺官員督理乞勅兵部另行議處或者所見謂邊方重地鎮巡大臣閫外之事宜從寬大若每事較量多方綜核邊方將士恐有不堪臣等謂團營為京輔之屯比之邊備尤重提督極人臣之貴比之鎮巡尤尊朝廷慎重馬政尚有科道點閫少卿督理況邊方乎蓋鎮巡等官於軍士務結之以恩臣等

典牧之官正欲裁之以法固並行而不相悖也臣等愚昧不能盡識時宜伏乞勅下該部詳其可否補其缺畧畫為長策為邊方久遠馬政之利不勝幸甚

柴墟集



名臣經濟錄卷三十五